

ՄՏԵՓԱՆ ՇԱՀՈՒՄՅԱՆԸ ԲԱՔՎԻ ԿՈՄՈՒՆԱՅԻ ՂԵԿԱՎԱՐ

(Մենդյան 100-ամյակի առթիվ)

ՀՍՍՀ ԳԱ ակադեմիկոս Գ. Բ. ՂԱՐԻԲՋԱՆՅԱՆ

1978 թ. հոկտեմբերի 13-ին լրանում է Վ. Ի. Լենինի հավատարիմ աշակերտ ու ղինակից, Սովետական Միության կոմունիստական կուսակցության և սովետական պետության ականավոր գործիչ Ստեփան Գևորգի Շահումյանի ծննդյան 100-ամյակը:

Ս. Շահումյանը Լենինյան հին գվարդիայի փայլուն դեմքերից է: Երկար տարիներ նա աշխատել է Վ. Ի. Լենինի անմիջական ղեկավարությամբ, նամակագրություն է ունեցել նրա հետ մարքսիստական տեսության և կուսակցական ու պետական շինարարության մի շարք կարևորագույն հարցերի շուրջը: Գ. Կ. Օրջոնիկիձեի դիպուկ արտահայտությամբ Շահումյանը տեսական մարքսիզմի ծանր հրետանին էր¹: Շահումյանը խոշոր դեր է կատարել մասնավորապես Անդրկովկասի բոլշևիկյան կաղմակերպությունների ստեղծման ու ամրապնդման, կովկասյան պրոլետարիատի ինտերնացիոնալ դաստիարակության գործում: Նա 1918 թ. Բաքվի հերոսական կոմունայի առաջնորդն էր և այդ պոստում էլ հերոսաբար զոհվեց: Կուսակցությունը, անձամբ Վ. Ի. Լենինը բարձր են գնահատել Ստ. Շահումյանի հմուտ աշխատանքը որպես կուսակցական ու պետական ականավոր գործչի: «Ես լիովին վստահում եմ Շահումյանին»²,— ասել է Լենինը 1918 թ. օգոստոսին:

Շահումյանի ակտիվ աշխատանքը կուսակցության արտասահմանյան կաղմակերպություններում 1902—1905 թթ., ելույթները ՌՍԴԲԿ IV (Ստոկհոլմի) և V (Լոնդոնի) համագումարներում, անձնական հանդիպումները և նամակագրությունը Վ. Ի. Լենինի հետ, աչքի ընկնող դերը Մեծ Հոկտեմբերի դրոհներում, 1918 թ. Բաքվի հերոսական կոմունայի հմուտ ղեկավարությունը, մարքսիզմ-լենինիզմի, պրոլետարական ինտերնացիոնալիզմի գաղափարներին հետևողական նվիրվածությունը նրան դարձրին համառուսաստանյան և միջազգային բանվորական ու կոմունիստական շարժման հանրաճանաչ գործիչ:

Ընթերցողի ուշադրությանը ներկայացվող սույն հոդվածում հեղինակի նստատեղն է համառոտակի լուսաբանել Ստեփան Շահումյանի հեղափոխական գործունեությունը Հոկտեմբերյան հեղափոխության հաղթանակից հետո մինչև 1918 թ. սեպտեմբերը, երբ բոցաշունչ ինտերնացիոնալիստն իր մարտական ընկերների հետ միասին գաղանաբար զնդակահարվեց անդրկասպյան

¹ Տե՛ս Գ. Կ. Օրջոնիկիձե, Ընտիր հոդվածներ և ճառեր, Երևան, 1950, էջ 98:

² Վ. Ի. Լենին, Երկեր, հատ. 35, էջ 380:

ավագուտներում՝ օտարերկրյա իմպերիալիստների և նրանց վարձկանների կողմից:

* * *

Բաքվի կոմունան Հոկտեմբերյան սոցիալիստական մեծ հեղափոխության ծնունդն էր, նրա հաղթանակի հետևանքը՝ բուլշևիկների ղեկավարությամբ դասակարգային պայքարի երկարամյա ու հարուստ ուղի անցած Բաքվի պրոլետարիատը կովկասում առաջինը բարձրացրեց և հաղթականորեն տուաչ տարավ Սեծ Հոկտեմբերի դրոշմը: Այդ հերոսական պայքարի ականավոր ղեկավարներից էր Ստեփան Շահումյանը, որը փետրվարյան հեղափոխությունից անմիջապես հետո վերադառնալով Սարասովի աքսորավայրից, ճանապարհին իմանում է, որ հեռակա կարգով ընտրվել է բանվորների ղեկավարության Բաքվի Սովետի նախագահ: 1917 թ. օգոստոսին՝ ՌՍԴԲ(բ)Կ VI համագումարում Շահումյանն ընտրվում է կուսակցության կենտրոնական կոմիտեի անդամ: Հոկտեմբերյան հեղափոխության նախօրեին նա ղեկավարում է Գովկասի բուլշևիկների առաջին համագումարը, որը Ռուսաստանի կենտրոնների հետ միասին զինված ապստամբության միջոցով երկրամասում սովետական իշխանության հաստատման կուրս է վերցնում:

Հոկտեմբերյան սոցիալիստական մեծ հեղափոխության հաղթանակի և լենինի ղրխավորած սովետական կառավարության առաջին պատմական ղեկրետների ու որոշումների մասին Շահումյանն իմացավ Բաքվում և անմիջապես լծվեց դրանց կիրառման գործին:

Հոկտեմբերի 31-ին Բաքվի բանվորների և զինվորների ղեկավարության ընդլայնված Սովետի՝ հանրագործարանային, զնդային, վաշտային և նավատորմային կոմիտեների ներկայացուցիչների մասնակցությամբ գումարված կոնֆերանսը ձայների ճնշող մեծամասնությամբ ընդունում է Շահումյանի առաջարկած բանաձևը ի պաշտպանություն համառուսաստանյան սովետական կառավարության և Բաքվի շրջանում ամբողջ իշխանությունը իր ձեռքը վերցնելու մասին:

Նոյեմբերի 2-ին Բաքվի շրջանի բանվորների և զինվորների ընդլայնված Սովետը Շահումյանին ընտրում է իր գործադիր կոմիտեի նախագահ: Գործկոմի առաջին իսկ կոչը, որը ստորագրել էր Շահումյանը, ողջունում էր Պետրոգրադի հեղափոխական պրոլետարիատին ու կայադորին, լենինի ղրխավորած նոր հեղափոխական կառավարությունը, Սովետների իշխանությունը և հայտարարում, որ հենվելով Բաքվի պրոլետարիատի ու կայադորի հաստատ կամքի ու ղիտակցական օգնության վրա, պաշտպան է կանգնելու շրջվոր բնակչության շահերին և լիակատար հեղափոխական կարգ է պահպանելու քաղաքում:

Վերաբերմունքը դեպի Սովետական Ռուսաստանը, լենինի կառավարությունը Անդրկովկասի բուլշևիկների քաղաքականության անկյունաքարն էր: Սովետական Ռուսաստանի հետ անխախտ դաշինքը Շահումյանը համարում էր երկրամասի բոլոր ժողովուրդների ազատության հիմնական դրավականը և հակառակ սովետական իշխանությանը պատերազմ հայտարարելու նացիոնալիստական կուսակցությունների կործանարար գծի, հետևողականորեն անցկացնում էր Հոկտեմբերյան հեղափոխության հաղթանակը Անդրկովկա-

սում ևս ապահովելու քաղաքականությունը, որը վրացի, ադրբեջանցի, հայ աշխատավորության փրկության միակ ելքն էր: «Մենք, բաքվեցիներս,— զրու՞մ էր Շահումյանը,— ոչ մի լավ բան չունենք սպասելու կովկասյան նոր կառավարությունից: Այդ կառավարությունը, նախկին «Օղակում»-ի նման, Անդրկովկասը կբաժանի երեք ազգային սատրապության՝ Վրաստանը կվերցրնեն մենշևիկները, հայերին կդնեն «դաշնակցության» կուսակցության տրամադրության տակ, մուսուլմաններին կտրամադրեն մուսուլման նացիոնալիստներին»⁴:

Անդրկովկասի ժողովուրդների դեմ ուղղված բուրժուանացիոնալիստական կուսակցությունների այս դավերին Շահումյանը հակադրում է հեղափոխական մասսաների անհողդողդ կամքը՝ միշտ լինել Սովետական Ռուսաստանի հետ և հենվելով դրա վրա, իր մարտական դինակիցների՝ Լ. Ջափարիձեի, Մ. Ազիզբեկովի, Ի. Ֆիոլետովի, Ն. Նարիմանովի, Գ. Կորգանովի և այլ հավատարիմ լենինյանների հետ միասին ղեկավարում է պրոլետարական Բաքուն Կովկասում սովետական իշխանության միջնաբերդը դարձնելու, Սովետական Ռուսաստանի հարավային սահմանագծում միջազգային իմպերիալիզմի և նրա նացիոնալիստական ուստրապների դեմ հեղափոխության հուսալի պատվար ստեղծելու համար: «Հեղափոխությունը կշարունակվի Կովկասում,— հայտարարում է Շահումյանը,— Ռուսաստանի հեղափոխական պրոլետարիատի հետ համաքայլ ընթացող բանվորներն ու զինվորները պայքարելու են հեղափոխությունը շարունակելու համար, ժողովրդական կոմիսարների իշխանությունը լենինի գլխավորությամբ ճանաչելու համար, տեղերում բանվորների, զինվորների և գյուղացիների դեպուտատների Սովետների իշխանության համար»⁵: Դա սոցիալիստական հայրենիքի հանդեպ Բարձր պրոլետարիատի ինտերնացիոնալ պարտքի կատարման կոչ էր: Բոլշևիկները դիտակցում էին, որ այն կհանդիպի ոչ միայն անդրկովկասյան նացիոնալիստների ու սպիտակգվարդիական հակահեղափոխության, այլև միջազգային իմպերիալիստների կատաղի հարձակումներին:

Նացիոնալիզմը Շահումյանը համարում էր Կովկասում հեղափոխության ումենաոխսերիմ թշնամին և անողորմաբար մերկացնում էր այն: Նա ցույց էր տալիս, որ Անդրկովկասի երեք խոշորագույն բուրժուական կուսակցությունների՝ վրացական մենշևիկների, դաշնակների և մուսավաթականների նացիոնալիստական կուրսը բազմիցս մեծ շարիքներ է բերել տեղական ազգությունների, իսկ 1917 թ. հասցնում է Կովկասյան ռադմաճակատից ռուս զինվորների հեռանալուն, որի հետևանքով չափազանց ծանր դրություն է ստեղծվում Արևմտյան Հայաստանում: «Մենք արդեն գիտենք այս անիծյալ պատերազմի ժամանակ հայերի կրած հարյուր հազարավոր զոհերի մասին,— գրում է Շահումյանը,— Իմանալով իրերի դրությունն այդ դժբախտ երկրում, մենք պետք է հավատացած լինենք, որ այնտեղ մի նոր դժոխք է ստեղծվում, անմեղ խաղաղ բնակչության արյան նոր դետեր ևն հոսելու: Մեր հեղափոխական բանակը չի կարող անտարբեր մնալ դեպի այդ բնակչության բախտը»⁶:

Դեկտեմբերի 10 (23)-ին մասնակցելով Կովկասյան բանակի երկրային

⁴ Նույն տեղում, էջ 22—23:

⁵ Նույն տեղում, էջ 23:

⁶ Նույն տեղում, էջ 38:

11 համագումարի աշխատանքներին, Շահումյանը ղեկավարում էր նրա բոլշևիկյան ֆրակցիայի գործունեությունը:

Շնորհիվ Շահումյանի, Գ. Կորգանովի և մյուս բոլշևիկների եռանդուն ջանքերի, Կովկասյան բանակի 11 համագումարը հրաժարվում է ձանաչել Անդրկովկասյան կոմիտեի իշխանությունը, ողջունի հեռագիր է ուղարկում Լենինի գլխավորած ժողովմասովետին և ընտրում երկրային նոր Սովետ՝ Շահումյանի գլխավորից Գ. Կորգանովի գլխավորությամբ: Բոլշևիկները հաղթանակ տարան նաև երկրամասի բանվորների դեպուտատների Սովետների համագումարում, որը նույնպես սեղի ունեցավ Բիֆլիսում, ղեկտեմբերին: «Մենք չեմք ողջունում ենք թե՛ բանակային համագումարի և թե՛ Կովկասի պրոլետարական Սովետների համագումարի որոշումները, — գրում էր Շահումյանը, — դրանք վճռականապես խղեցին կապր պաշտպանողականության և համաձայնողականության հետ և ձանաչեցին ժողովրդական Կոմիսարների Սովետի հեղափոխական իշխանությունը»⁷:

Վ. Ի. Լենինը և կուսակցության Կենտրոնական կոմիտեն, շնայած Սովետական Ռուսաստանի ծանր դրությանը, ամենայն ուշադրությամբ հետևում էին Կովկասում ծավալվող իրադարձություններին, օգնություն էին կազմակերպում այստեղ սովետական իշխանության հաղթանակի համար մղվող պայքարը հաջողությամբ ծավալելու համար:

1917 թ. դեկտեմբերի 16-ին ՌՍՖՍՀ Ժողովմխորհի նիստում Վ. Ի. Լենինի նախագահությամբ քննարկվում է Կովկասում ստեղծված դրության հարցը և որոշվում ՌՍԴԲ(բ)Կ Կենտկոմի անդամ, Բաքվի Սովետի նախագահ Ս. Գ. Շահումյանին նշանակել Կովկասի գործերի ժամանակավոր արտակարգ կոմիսար՝ մինչև Կովկասում երկրային սովետական իշխանության կազմակերպումը: Այդ մասին Լենինի ստորագրությամբ մանդատ է տրվում Շահումյանին, նրա տրամադրության տակ է դրվում 500 հազար ռուբլի՝ հակահեղափոխության դեմ պայքարելու համար: Մանդատը և գրամը Պետրոգրադից Կովկաս է բերում Կամոն: Դեկտեմբերի 29-ին «Թուրքահայաստանի մասին» լենինյան դեկրետն ընդունելու կապակցությամբ, որը իմպերիալիզմի լծի տակ տառապող արևմտահայերին տալիս էր ազգային ինքնորոշման լրիվ իրավունք՝ ընդհուպ մինչև կատարյալ անկախություն, **Ժողովմխորհը** Կովկասի գործերի արտակարգ կոմիսար Շահումյանին հանձնարարում է «Թուրքահայաստանի» բնակչությանը ամեն տեսակի օգնություն ցույց տալ՝ ղեկրեւում նշված միջոցառումներն իրականացնելու գործում:

Հայաստանի ինքնորոշման հիմնական սկզբունքները Լենինը Շահումյանի և մյուս հայ բոլշևիկների հետ հանգամանորեն քննարկել էր դեռևս Հոկտեմբերյան հեղափոխությունից առաջ, և Շահումյանը, որպես կոմունիստական կուսակցության Կենտկոմի անդամ և Բաքվի Սովետի նախագահ, կենսագործում էր դրանք, իրենց լենինյան աղգային քաղաքականության ղեկը ղեկներին ու կարգադրություններին:

Դիմելով հեղափոխական մասսաներին, Շահումյանը կոչ էր անում Կովկասում անհստակ ստեղծվող սովետական իշխանություն և սերտ միասնություն հաստատել Սովետական Ռուսաստանի հետ: «Կովկասը կանգնած է անդունդի եզրին, — գրում էր Շահումյանը, — փրկեցե՛ք նրան: Ստեղծե՛ք

⁷ Նույն տեղում, էջ 52:

այստեղ ինտերնացիոնալ բանվորա-դյուղացիական կառավարություն, որը Ռուսաստանի սովետական կենտրոնների ու ժողովրդական Կոմիսարների Սովետի հետ սերտ միասնություն ստեղծելով՝ վերջ կդնի Կովկասի հակահեղափոխական և երկրի բանվոր ու դյուղացի բնակչությանը կառաջնորդող դեպի լուսավոր ապագան, դեպի սոցիալիզմի թաղավորությունը»⁸։

Շահումյանը բազմիցս ընդգծում էր Բաքվի սրբապատիվ տեղի առանձնահատուկ դերը, նրա սրբազան պարտքը Անդրկովկասի հակահեղափոխական ուժերի դեմ սովետական իշխանության հաղթանակի համար մղվող պայքարում, Անդրկովկասի բանվորներին և դյուղացիներին օգնելու գործում։ «Ես վստահություն եմ հայտնում, — հայտարարում է Շահումյանը Բաքու քաղաքի և նրա շրջանների Սովետի նիստում տված ղեկուցման մեջ, — որ Բաքվի Սովետը իր դիրքի բարձրության վրա կլինի և կկատարի այն խնդիրները, որ դրված են իր վրա։ Մեզ գուցե և վիճակվի նույնիսկ ընկնել իբրև հակահեղափոխության դեմ, բայց մենք պետք է կատարենք մեր պարտքը հանուն սոցիալիստական հեղափոխության»⁹։

Բաքվի սրբապատիվ տեղի Շահումյանի, Զափարիձեի, Ազիզբեկովի, Ֆիդուկետովի, Կորգանովի և մյուս անձնավեր բոլշևիկների ղեկավարությամբ պատվով էր կատարում իր պարտքը Սովետական Ռուսաստանի նկատմամբ։ 1918 թ. մարտին, երբ թուրքական հրոսակախմբերը շարժվում էին դեպի Անդրկովկասի խորքերը, իսկ մուսավաթական նացիոնալիստները ձգտում էին դավթել Բաքուն, Շահումյանի ղեկավարությամբ ստեղծվում է Բաքու քաղաքի և նրա շրջանների հեղափոխական պաշտպանության կոմիտե, որն այդ ժամանակ ռազմական ու քաղաքական բարձրագույն օրգանն էր և միավորում էր Բաքվի և նրա շրջանների սովետական կազմակերպությունները։ Կոմիտեն դիմում է հեղափոխությանը հավատարիմ բոլոր ուժերին, կոչ անելով համախմբվել իր շուրջը և պատրաստ լինել մինչև արյան վեցիկն կախիլը կռվելու Սովետի գրոշի ներքո։

1918 թ. ապրիլի 13-ին Շահումյանը Բաքվից ընդարձակ նամակով հայտնում էր ժողովրդական Կոմիսարների հորհրդին, որ մարտի 30-ից մինչև ապրիլի 1-ը Բաքվում կատարվող մարտեր էին տեղի ունենում հեղափոխական և հակահեղափոխական ուժերի միջև, որոնց ընթացքում թշնամին կատարելապես ջախջախվեց և Սովետը վերջնականապես ամրապնդվեց։ Ելնելով դրանից, Շահումյանն առաջարկում էր ազգայնացնել նավթային արդյունաբերությունը, բանկերը, ծովային տրանսպորտը և անհրաժեշտ օգնություն խընդրում¹⁰։ Վ. Ի. Լենինն անմիջապես պատասխանում է Շահումյանի այս նամակին և մատնանշում է Մոսկվայի հետ կապ պահպանելու ուղիները¹¹։

Լինելով ստեղծագործական մարքսիզմի ականավոր ներկայացուցիչներից մեկը, հիանալի ըմբռնելով սովետական իշխանության լենինյան քաղաքականությունը, իմաստնացած դժվարին պայքարի հարուստ փորձով, Շահումյանը կարողանում էր ճիշտ կողմնորոշվել ու հմտորեն կենսագործել բոլշևիզմի ստրատեգիայի և տակտիկայի սկզբունքները Կովկասի բարդ ու հակասական իրադրության կոնկրետ պայմաններում, երբ երկրամասը նացիոնա-

⁸ Նույն տեղում, էջ 69—70։

⁹ Նույն տեղում, էջ 120։

¹⁰ Նույն տեղում, էջ 143—147։

¹¹ Տե՛ս В. И. Ленин, Полное собрание сочинений, т. 50, էջ 67։

լիստական կուսակցությունների ու սպիտակգլարդիականների հակաժողովրդական գործողությունների հետևանքով կտրվել էր Սովետական Ռուսաստանից և անսահման դժվար էր դարձել իրականացնել կապը կենտրոնական իշխանությունների, լենինի հետ: Իր կուսակցական ու պետական գործունեության ընթացքում Շահումյանը միշտ խստորեն հաշվի էր առնում Կովկասի սոցիալ-տնտեսական և քաղաքական պայմանների առանձնահատկությունները, նրա ժողովուրդների տրագիցիաներն ու սովորությունները:

Շահումյանը բազմիցս նշում էր, որ Անդրկովկասում առկա են ռեալ ուժեր երկրամասը թուրքական զավթիչներից պաշտպանելու համար: Նույնպես էր, որ ճանաչելով Սովետական Ռուսաստանի իշխանությունը և հենվելով հեղափոխական ուժերի, պրոլետարական Բաքվի վրա, հնարավոր է ոչ միայն ջախջախել ու դուրս շարտել թուրքական զորքերին նրանց գրաված տերիտորիայից, այլև ազատագրել Հայաստանի ու Վրաստանի՝ նրանց զավթած վայրերը, այդ թվում նաև Արևմտյան Հայաստանը:

* * *

1918 թ. առաջին կեսին Բաքուն դարձել էր սովետական իշխանության բազան ամբողջ Անդրկովկասում: Ապրիլի 25-ին բոլշևիկների ղեկավարության մեջ ստեղծվում է Բաքվի ժողովրդական Կոմիսարների Խորհուրդ, որի նախագահը և արտաքին գործերի կոմիսարը Շահումյանն էր: Կոմիսարներ էին. ներքին գործերի՝ Պ. Զափարիձեն, ժողովրդական տնտեսության՝ Ի. Ֆիոլետովը, ռազմական և ծովային՝ Դ. Կորզանովը, քաղաքային տնտեսության՝ Ն. Նարիմանովը, լուսավորության՝ Ն. Կոլեսնիկովան, արդարադատության՝ Ա. Կարինյանը: Այդ նահանգային կոմիսար հաստատվեց Մ. Ազիզբեկովը. աշխատանքի կոմիսար՝ Յ. Զևինը, հողագործության կոմիսար՝ ձախ էսեռ Ու. Վեզիրովը: Սրանք բոլորն էլ հեղափոխության բովում կոփված, ժողովրդի գործին նվիրված ինտերնացիոնալիստներ էին, սովետական իշխանության համար մղվող սլաքարի առաջամարտիկներ: Բարձր գնահատելով Բաքվի կոմունայի և նրա ղեկավարների ծառայությունները, Լ. Ի. Բրեժնևն ասել է. «Հերոսության և անձնվիրության փառավոր էպոպեա էր Բաքվի կոմունայի գործունեությունը: Այն գլխավորում էին Ստեփան Շահումյանը, Մեշադի Ազիզբեկովը, Ալլոշա Զափարիձեն, Իվան Ֆիոլետովը, Գրիգորի Կորզանովը, Յակով Զևինը, Միր Հասան Վեզիրովը և լենինյան զվարդիայի այլ խիզախ մարտիկներ: Նրանց անունները արդեն ինքնըստինքյան վառ կերպով արտահայտում են ինտերնացիոնալիզմի այն հրաշալի տրագիցիաները, որոնցով վաղուց ի վեր հռչակված էր Բաքվի պրոլետարիատը»¹²:

Բաքվի ժողովրդախորհի ղեկավարացիայում, որը ստորագրել էին Շահումյանն ու մյուս կոմիսարները, նշվում էր, որ նա «ամենասերտ կերպով կապված կլինի համառուսաստանյան կենտրոնական իշխանության հետ, և հարմարվելով տեղական պայմաններին՝ կենսագործելու է Ռուսաստանի բանվորա-գյուղացիական կառավարության՝ ժողովրդական Կոմիսարների Խորհրդի բոլոր ղեկրեւներն ու կարգադրությունները»: Դեկլարացիայում ընդգծվում էր, որ մարտի օրերին տարած հաղթությունից հետո Բաքվի Սովետը լիիշխան

¹² Լ. Ի. Բրեժնև, լենինյան կուրսով. Ճառեր և հոդվածներ, հատ. 3, Երևան, 1972, էջ 170—171:

տեր է դարձել Բաքու քաղաքում ու շրջապատում և պայքարում է ամբողջ Անդրկովկասում ու Դաղստանի մարզում սովետական իշխանություն հաստատելու համար¹³։

Գերմանա-թուրքական և անգլիական ինտերվենտների գերակշռող ուժերի առկայության, ներքին նացիոնալիստական դավաճանների դեմ մղված պայքարի դժվարին պայմաններում Բաքվի Ժողկոմխորհին հաջողվում է իրականացնել մի շարք սոցիալիստական վերափոխումներ առևտրական նավատորմում, նավթի ու ձկնեղենի արդյունաբերության մեջ, բանկերի ազգայնացման, կալվածատերերի ու բեկերի հողերի բռնագրավման և գրանք գյուղացիներին հանձնելու, 8-ժամյա աշխատանքային օր հաստատելու, մատակարարման գործը կազմակերպելու, բաղադր պրոլետարիատի և բոլոր աշխատավորների ինտերնացիոնալ դաստիարակությունն ապահովելու ուղղությամբ։ Կատարելով իր ինտերնացիոնալ պարտքը, Բաքվի պրոլետարիատն իր հերթին մեծ օգնություն էր կազմակերպում Սովետական Ռուսաստանին։ Միայն մայիս ամսին Ռուսաստան է ուղարկվել ավելի քան 16,5 միլիոն փութ նավթամթերք, իսկ հունիսին՝ ավելի քան 25 միլիոն փութ։ Այս բոլոր գործերում մեծ էին Շահումյանի ծառայությունները, նրա անձնական ներդրումը որպես կուսակցության Կենտկոմի անդամի, Կովկասի գործերի արտակարգ կոմիսարի, Բաքվի Ժողկոմխորհի նախագահի, Բաքու քաղաքի հեղափոխական պաշտպանության կոմիտեի ղեկավարի։

Կուսակցական և պետական ականավոր գործչի փայլուն տաղանդն ու հմտությունները, անսպառ եռանդը, վճռականությունն ու հզոր կամքը, խոր հավատը սովետական իշխանության ու մասնավորապես Բաքվի պրոլետարիատի, Ս. Օրջոնիկիձեի պատկերավոր արտահայտությամբ՝ «պրոլետարական մեծ հեղափոխության մեծ ժամապահի» անսպառ հնարավորությունների նկատմամբ Շահումյանն օգտագործում էր Անդրկովկասում սովետական իշխանության բազմաթիվ թշնամիների դեմ պայքարելու և նրա հաղթանակն ապահովելու, Բաքուն Սովետական Ռուսաստանի կողմում պահելու համար։

«Բաքվի պրոլետարիատն առաջինն էր, — հպարտությամբ հայտարարում էր Շահումյանը 1918 թ. մայիսին, — որը հռչակեց իր համերաշխությունը Ռուսաստանի Հոկտեմբերյան բանվորա-գյուղացիական հեղափոխության հետ և դեմ գնաց Անդրկովկասյան կոմիսարիատին և Սեյմին։ Բաքվի պրոլետարիատն այժմ էլ բարձր է պահում Սովետական իշխանության դրոշը և պատրաստ է պայքարելու ամբողջ Անդրկովկասի բանվորների և գյուղացիների ազատության և երջանկության համար»¹⁴։

Բաքվի Ժողկոմխորհի լուսավորության ժողկոմ, 1904 թ. ՍՍԿԿ անդամ Ն. Ն. Կոլեսնիկովան, ընդգծելով Շահումյանի մեծ ծառայությունները Բաքվի կոմունայի ստեղծման ու ղեկավարման գործում, նշել է. «Շահումյանի՝ որպես մասսաների ղեկավարի տաղանդը առանձնապես վառ կերպով դրսևորվեց 1917—1918 թվականներին՝ Բաքվում սովետական իշխանության համար մղված պայքարի ժամանակաշրջանում։ Նա հաստատուն կերպով կիրառում էր ամբողջ Սովետական Ռուսաստանի հետ Ադրբեյջանի միասնության գիծը»¹⁵։

13 Ստ. Շահումյան, Երկեր, հատ. 3, էջ 157—162։

14 Նույն տեղում, էջ 242։

15 «Բաքվի 26 կոմիսարների հիշատակին. փաստաթղթեր և նյութեր», Բաքու, 1968, էջ 93։

1904 թ. ՍՄԿԿ անդամ, կուսակցական և պետական ականավոր գործիչ Ս. Մ. էֆենդիևը գրել է. «Ստեփան Շահումյանը Բաքվի կոմունայի ոգեշնչողն էր, նրա խելքը, ուղեղը, գիտելիքը, միտքը: Ստեփանի ճառերի երկաթե տրամաբանությունը դիպուկ կերպով հարվածում և չախջախում էր Կոմունայի թշնամիներին: Նա նավթագործների բանակի սիրելի առաջնորդն էր»¹⁶:

Երկար տարիներ աշխատելով Ադրբեջանում և հատկապես Բաքվում, ղեկավարելով Բաքվի լեզենդար կոմունան, հայ ժողովրդի մեծ զավակ Շահումյանը դարձավ եղբայրական ժողովրդի սիրելին: «Ստեփան Շահումյանը պրոմեթեոսների պլեադայից է,— ասել է Ադրբեջանի կոմկուսի Կենտկոմի առաջին քարտուղար Հ. Ա. Ալիևը,— մարքսիզմ-լենինիզմի փայլուն տեսաբան, պրոֆեսիոնալ հեղափոխական Ստեփան Շահումյանը դարձավ Ադրբեջանի ինտերնացիոնալ բանվոր դասակարգի, Անդրկովկասի աշխատավորության հոգի: ու սիրտն այն անձնվեր պայքարում, որ նրանք մղում էին ցարական ինքնակալության, կալվածատերերի ու կապիտալիստների ճնշման դեմ, սոցիալիստական հեղափոխության հաղթանակի համար»¹⁷:

Լինելով բոցաշունչ ինտերնացիոնալիստ, հավասարաչափ սիրված Կովկասի բոլոր ազգերի աշխատավորության կողմից, Շահումյանը հետևողականորեն պրոպագանդում և կենսագործում էր ժողովուրդների ինտերնացիոնալ բարեկամության ու եղբայրության, ռուս մեծ ժողովրդի, հեղափոխական Ռուսաստանի հետ սերտ դաշինքի ու անքակտելի միասնության սկզբունքը. առանց որի հնարավոր չէր լինի Կովկասի իսկական անկախությունն ու ազատությունը: Բաքվի կոմունայի ամենածանր օրերին Շահումյանը խոր հավատով լի հայտարարում էր. «...Մեր միավորվելը, ամբողջ հեղափոխական Ռուսաստանի աջակցությամբ՝ մեզ կհասցնի մեր հաղթանակին, մեր թշնամիների պարտությանը և Անդրկովկասում իսկական ազատություն հաստատելուն»¹⁸:

Բաքվի ժողկոմխորհը որպես Անդրկովկասում սովետական իշխանության առաջին լիազոր մարմին, Շահումյանի գլխավորությամբ հաղթահարելով արտաքին և ներքին բոլոր դժվարությունները, Սովետական Ռուսաստանի օրինակով վճռական ու հետևողական կերպով առաջ էր տանում Վ. Ի. Լենինի կողմից մշակված սոցիալիստական վերակառուցումների ծրագիրը:

Բաքվի կոմիսարների համար անդնահատելի օգնություն էր Վ. Ի. Լենինի «Սովետական իշխանության հերթական խնդիրները» աշխատությունը, որը տպագրվեց ապրիլի 28-ին «Պրավդա» և «Իզվեստիա» թերթերում, տարածվեց ամբողջ երկրում, հասավ Բաքու բերելով իր հետ գիտականորեն հիմնավորված մի պլան սոցիալիստական էկոնոմիկայի հիմունքների ստեղծման համար մղվող պայքարում:

Շահումյանը սիստեմատիկաբար հաղորդում էր Լենինին, թե ինչպես են իրենք կենսագործում սովետական իշխանության հերթական խնդիրները՝ սոցիալիստական շինարարության պլանը, պատմում էր այդ գործում իրենց դժվարությունների մասին: Վ. Ի. Լենինից, ՌՍՖՍՀ ժողկոմխորհից ստացած նամակներում և գրություններում, որոնք հիմնականում հասցեագրվում

¹⁶ Նույն տեղում, էջ 137:

¹⁷ «Սովետական Հայաստան», 16 օգոստոսի 1975:

¹⁸ Ստ. Շահումյան, Իրկեր, հատ. 3, էջ 226:

լին Շահումյանին, անհրաժեշտ ցուցումներ և դիրեկտիվներ էին տրվում քաղաքական, ռազմական, տնտեսական բոլոր հարցերի վերաբերյալ:

Լիովին վստահելով Շահումյանին որպես Բաքվի կոմունայի ղեկավարի, վ. ի. Լենինը մեծ ուշադրությամբ ու հողատարությամբ հետևում էր նրա ողջ գործունեությանը, Բաքվի պրոլետարիատի հերոսական պայքարին, հավանություն տալիս Շահումյանի ղեկավարությամբ Բաքվի բոլշևիկների քաղաքականությանը, ցուցումներ տալիս սոցիալիստական հեղափոխության հաղթանակը Բաքվում ապահովելու համար: 1918 թ. մայիսի 14-ին Շահումյանին ուղղված հեռագրում Լենինը գրում էր. «Թանկագին ընկեր Շահումյան: Շատ շնորհակալ եմ նամակի համար: Մենք հրճվանքի մեջ ենք Ձեր հաստատակամ և վճռական քաղաքականությունից: Կարողացեք դրան միացնել այն ամենազգուշ դիվանագիտությունը, որն անպայման թելադրվում է այժմյան դժվարագույն դրությամբ և մենք կհաղթենք»:

Դժվարություններն անհաշիվ են: Առայժմ մեզ փրկում են միայն իմպերիալիստների հակասությունները, կոնֆլիկտներն ու պայքարը: Կարողացեք օգտագործել այդ կոնֆլիկտները. առայժմ հարկավոր է դիվանագիտություն սովորել»¹⁹:

Հունիսի 30-ին Բաքվի բոլշևիկյան կազմակերպության կոնֆերանսում ՌՍՖՍՀ-ում Բաքվի ժողկոմխորհի ներկայացուցիչ Ս. Մ. Տեր-Գաբրիելյանը, զեկուցելով Սովետական Ռուսաստան կատարած իր ուղևորության և վ. ի. Լենինի հետ ունեցած հանդիպումների մասին, ասում էր. «Ընկեր Լենինը բազմիցս իր հիացմունքն էր հայտնում Բաքվի Սովետի և նրա համար թանկագին ընկեր Շահումյանի քաղաքականությամբ: Նա հայտարարում էր, որ մշտապես պատրաստ է պաշտպանելու Բաքվի պրոլետարիատին բարոյապես և նյութապես... «Ամեն ինչ Բաքվի համար» խոսքերը ինքը լսում էր ոչ միայն լառաջնորդների շուրթերից, այլև առանձին գործարաններում՝ բանվորներից, որոնք իրենց երջանիկ էին համարում ողջունելու Բաքվի տոկուն պրոլետարիատին»²⁰:

Բաքվի կոմունայի գոյության մոտ 100 օրվա ընթացքում Շահումյանը մշտապես գտնվում էր հերոսական իրադարձությունների բուն կենտրոնում: Նա ամեն օր ելույթ էր ունենում, զեկուցումներ տալիս բանվորական, գյուղացիական, զինվորական մասսաների համար, հաճախակի լինում էր նավթագործների մոտ, զինվորական ակումբներում, ռազմաճակատում, Սովետի նիստերում, տպարանում, որտեղ շարում էին Ժողկոմխորհի դեկրետներն ու կարգադրությունները, կոմունայի թերթերը: Նրանց էջերում տպագրվում էին Շահումյանի հոգվածները, բոլշևիկյան ճշմարիտ խոսքը, կոչերը՝ ուղղված բոլոր ազգերի բանվորներին, զինվորներին, գյուղացիներին, աշխատավոր այն մասսաներին, որոնք որոշում էին հեղափոխության բախտն Անդրկովկասում:

Շահումյանի բազմաթիվ զեկուցումներն ու հոգվածները մոբիլիզացնում էին հեղափոխական մասսաներին՝ պաշտպանելու և ընդլայնելու սովետական իշխանությունը: Նրանք միաժամանակ հարուստ ու ճշմարտացի փաստաթղթ-

¹⁹ վ. ի. Լենին, Երկեր, հատ. 35, էջ 359 (նամակի ամսաթիվը սխալմամբ նշված է փետրվարի 14):

²⁰ «Бакинскій рабочий», 30 հունիսի 1918:

թիր են Բաքվի կոմունայի հերոսական պատմության ուսումնասիրման համար:

1918 թ. մայիսի վերջին, երբ Բաքվի կոմունայի դեմ էին շարժվում Անդրկովկասյան սեյմի կանոնավոր ղորամասերը և գերմանական ու թուրքական զորքերը, Շահումյանը «Հաղթանակի գրավականը» հռչակածում կոչ էր անում ուժեղացնել պայքարը միջազգային ռեակցիայի և ներքին հակահեղափոխության դեմ: «Միայն բանվորների հեղափոխական կոփածությունն ու արտակարգ տոկունությունը կարող է մեր հաղթանակի հուսալի գրավականը լինել»²¹, — գրում էր նա: Կոմունայի մասին դասախոսության մեջ Շահումյանը վերլուծում էր կոմունայի առաջին օրինակը հանդիսացող 1871 թ. Փարիզի կոմունայի դասերը, ապա հենվելով Հոկտեմբերյան հեղափոխությունից հետո ծայրամասերի և կենտրոնի բազմաթիվ քաղաքներում հիմնված աշխատանքային կոմունաների փորձի վրա, կոնկրետացնում էր այն Բաքվի կոմունայի օրինակով և խոր հույս հայտնում, որ ամբողջ Անդրկովկասի բանվորների ու գյուղացիների, համայն Ռուսաստանի պրոլետարիատի աջակցությամբ Բաքվի աշխատանքային կոմունան կամրանա և կհանդիսանա Անդրկովկասի ողջ աշխատավոր ժողովրդի ազատարարը²²: Շահումյանը ելնում էր բանվորներին ուղղված Վ. Ի. Լենինի այն խոսքերից, որ «Ռուսաստանը պետք է դարձնել Սովետների հանրապետություն, կոմունաների հանրապետություն»²³:

Շահումյանն ամեն ինչ անում էր Բաքվի կոմունան ամրապնդելու, այն բազմաթիվ թշնամիներից պաշտպանելու համար: Այցելելով ռազմաճակատ և տեղում պարզելով իրադրությունը, Շահումյանը 1918 թ. հուլիսի 16-ին Բաքվի Սովետի և շրջանային Սովետների, նավային կոմիտեների և Կովկասյան կարմիր բանակի ռազմահեղափոխական կոմիտեի արտակարգ նիստում «Ռուսաստանի և Անդրկովկասի քաղաքական և ռազմական դրության մասին» ղեկուցման մեջ ասում էր. Ռուսիի հարաբերակցությունը պարզելուց հետո ես եկա այն եզրակացության, որ մեր միջոցները դեռ հեռու են սպառված լինելուց: ...Նրե մենք, ինչպես մինչև այժմ, պահպանեմք միասնական ճակատն անկախությունը պահպանելու հարցում և դիմենք պրոլետարիատին՝ կոչ անելով զենք վերցնել մեր անկախությունը պաշտպանելու համար, ապա Թաֆլի պրոլետարիատը ուժ կգտնի իր մեջ, որպեսզի իր միջից մի ֆանի հազար մարդ առանձնացնի զորքի համար, որը կշարժվի օգնելու ռազմաճակատում գտնվող մեր ընկերներին: Այս համոզմունքն ինձանից ոչ ոք չի կարող խլել»²⁴: Իր ղեկուցումն ավարտելով անգլիացիների օգնությանը դիմելու առաջարկությունների վճռական մերժումով, Շահումյանը հայտարարում էր. «Մեր մեջ բավականին հեղափոխական զգացում ու գիտակցություն կգտնվի, որպեսզի ասենք. ոչ, մենք չենք կարող հանձնվել օտարերկրյա իմպերիալիստների ձեռք, մենք կպայքարենք մեր անկախության համար ու կպաշտպանենք այն մեր ուժերով»²⁵:

Սակայն 1918 թ. կեսերին Անդրկովկասի և Սովետական Ռուսաստանի

21 Ս. Մ. Շահումյան, Երկեր, հատ. 3, էջ 206:

22 Տե՛ս նույն տեղում, էջ 255:

23 Տե՛ս նույն տեղում, էջ 250:

24 Նույն տեղում, էջ 365:

25 Նույն տեղում, էջ 371:

արտաքին և ներքին խիստ ծանր ու բարդ իրադրությունը Բաքվի կոմունային հնարավորություն չտվեց հաղթահարելու միջազգային իմպերիալիզմի ու ներքին հակահեղափոխության սաստկացող հարձակումները։ Ուժերն անհավասար էին, իսկ նորաստեղծ Սովետական Ռուսաստանը, չնայած ամեն ինչ անում էր բաքվեցիներին օգնելու համար, ինքն էլ էր գտնվում իմպերիալիստական ինտերվենտների ու սպիտակգվարդիական ուժերի կրակե օղակի մեջ, անջատված էր Անդրկովկասից հակահեղափոխական բանդաների զավթած Հյուսիսային Կովկասի գոտիով։ Կովկասի վրա էր ուղղված և՛ ֆրանսիական, և՛ անգլիական, և՛ գերմանական բուրժուազիայի հայացքը, նրանք բոլորն էլ տենչում էին «իրենց ձեռքն առնել Կովկասի հարստությունները»²⁶։

Այս պայմաններում էլ Բաքվի ժողկոմխորհը անսասան էր և օգտվելով Բաքվի պրոլետարիատի լիակատար վստահությունից ամեն ինչ անում էր Բաքվում սովետական իշխանությունն ամրապնդելու համար։ Հունիսի 15-ին Բաքվի Սովետը, լսելով Շահումյանի ղեկուցումը Անդրկովկասի քաղաքական դրության մասին՝ գերմանա-թուրքական զիջատիչների ագրեսիվ գործողությունների կապակցությամբ, լիովին հավանություն է տալիս Բաքվի ժողկոմխորհի հեղափոխական ծրագրին և պրոլետարիատի ու կարմիր բանակի անունից հայտարարում է, որ մինչև վերջ կպայքարի հարձակվող գերմանա-թուրքական ավազակախմբերի դեմ, կպաշտպանի իրենց ազատությունը և անքակտելի կապը Ռուսաստանի Սովետական մեծ հանրապետության հետ։ «Մենք հայտարարում ենք, — ասվում էր Բաքվի Սովետի բանաձևում, — որ ինչպես հաղթության, այնպես էլ պարտության դեպքում մենք գերմանական զիջատիչներին չենք տա ժողովրդի աշխատանքով ձեռք բերված ոչ մի կաթիլ նավթ»²⁷։ 1918 թ. հունիսի 29-ին Վ. Ի. Լենինին ուղարկած հեռագրում Շահումյանը գրում էր. «Կովկասում ընդհանուր դրությունը գնալով բարդանում է, բայց մենք մեզ առույգ ու վստահ ենք զգում»²⁸։

Օգտվելով իրենց ռազմական ուժերի գերակշռությունից և անդրկովկասյան նացիոնալիստների դավաճանական քաղաքականությունից, իրականացնելով իրենց նվաճողական պլանները, գերմանա-թուրքական ավազակախմբերը և անգլիական զավթիչները շարժվում էին դեպի Բաքու։ «...էնվերն ու թուրքական կառավարությունը, — գրել է գերմանական բանակի զխավոր շտաբի պետ գեներալ Լյուդենդորֆը, — ավելի շատ մտածում էին Կովկասի նկատմամբ ունեցած իրենց պանիսլամական նպատակների մասին, քան Անգլիայի դեմ մղվող պատերազմի»²⁹։ Թուրքերից Բաքուն պաշտպանելու քողի տակ նրա նավթային հարստություններին էին ուզում տիրանալ բրիտանական զավթիչները։ «Բաքվի նշանակությունը հսկայական էր, և նրան տիրանալու ամեն մի փորձ կարդարանար անտարակույս»³⁰, — գրել է անգլիական գեներալ Դենստերվիլը։

26 Պ. Ա. Զափարիձե, Ընտիր հոգվածներ, ճառեր և նամակներ. 1905—1918 թթ., Երևան, 1970, էջ 306։

27 Ստ. Շահումյան, Երկեր, հատ. 3, էջ 309։

28 Նույն տեղում, էջ 333։

29 Э. Людендорф, Мои воспоминания о войне 1914—1918 гг., т. 2. М., 1924, էջ 187։

30 Генерал-майор Денстервиль, Британский империализм в Баку и Персии 1917—1918 (воспоминания), Тифлис, 1925, էջ 123։

Այս ծանր իրավիճակից օգտվելով, աջ էսեռները, դաշնակցականները և մենշևիկները Բաքվի Սովետի 1918 թ. հուլիսի 25-ի արտակարգ նիստում, 23 ձայնի գերակշռությամբ (259 ընդդեմ 236-ի), բանաձև են անցկացնում անգլիական զորքերին Բաքու հրավիրելու և կռալիցիոն կառավարություն կազմելու մասին: Այդ որոշումը որակելով որպես դավաճանություն, Շահումյանը հայտարարում է, որ ինքը չի կարող իր վրա որևէ պատասխանատվություն վերցնել հակահեղափոխության այդ քայլի համար:

Համառուսաստանյան Կենտգործկոմի, Սոսկվայի Սովետի, Սոսկվայի ֆաբրիկա-գործարանային կոմիտեների և արհեստակցական միությունների 1918 թ. հուլիսի 29-ի միացյալ նիստում արտասանած ճառում վ. Ի. Լենինը, լիովին հավանություն տալով Շահումյանի գլխավորած Բաքվի բոլշևիկների այս քաղաքականությանը, ասում էր. «Անգլո-ֆրանսիական իմպերիալիստների հետ որևէ համաձայնություն կնքելուց վճռականորեն հրաժարվելը Բաքվի ընկերների միակ ճիշտ քայլն է... ոչ թե խոսքով, այլ գործով սոցիալիստների համար միակ արժանի քայլը»³¹:

Սակայն այս բոլորովին շէր նշանակում, թե Շահումյանի ղեկավարած կոմունան որոշել էր իշխանությունը հանձնել առանց պայքարի: Հուլիսի 26-ին Բաքվի Սովետի գործկոմի ընդլայնված նիստը, իսկ մեկ օր անց՝ բոլշևիկների Բաքվի քաղաքային կոնֆերանսը ընդունում են Շահումյանի ներկայացրած բանաձևը՝ ընդհանուր ղորահավաք հայտարարելու և ժողկոմխորհի ղեկավարությամբ Բաքվի պաշտպանությունը կազմակերպելու մասին: Շահումյանը կոչ է անում հեղափոխական ուժերին՝ հաղթել կամ մեռնել պատվով: Բաքվի բանվորներին ուղղված կոչում մերկացնելով դաշնակցական, էսեռական ու մենշևիկյան դեմագոգներին, որոնք իշխանությունից ժողկոմխորհի հրաժարականը որակում էին որպես «բոլշևիկների փախուստ ու վախկոտություն», Շահումյանը նշում է, որ հրաժարական տալով իրենք որոշել էին «փրկել Ռուսաստանի Սովետական իշխանությանը հավատարիմ հեղափոխական զորքերը, որպեսզի սպասելով Աստրախանից եկող զորքերին, նրանց հետ միասին կռիվ հայտարարենք երկու ճակատում՝ թուրքական ու անգլիական իմպերիալիզմին և պաշտպանենք Բաքուն հեղափոխական Սովետական Ռուսաստանի համար»³²: 1918 թ. օգոստոսի 17-ին Բաքվի պաշտպանությունը կազմակերպելու գծով Բաքվի ժողկոմխորհի գործունեության մասին Աստրախանից Լենինին ուղարկված հեռագրում նշվում էր. «Սովետի արտակարգ ժողովում անգլիացիներին հրավիրելու մասին հայտնի բանաձևը ընդունվելուց հետո ժողկոմխորհը, թեև ձևականորեն հրաժարական էր տվել, բայց փաստորեն շարունակում էր իր աշխատանքը»³³:

Այդ ահեղ օրերին Շահումյանը և Բաքվի մյուս կոմիսարները մինչև վերջ մնացին իրենց մարտական հեղափոխական դիրքերում: Նրանք շարունակում էին աշխատել Սովետում, անցկացնում էին կուսակցական խորհրդակցություններ, կոնֆերանսներ, լույս էին ընծայում թռուցիկներ, թերթեր, նախապատրաստվում էին նոր պայքարի: Սովետական զինված ուժերը գլու-

31 Վ. Ի. Լենին, Երկեր, հատ. 28, էջ 9:

32 Ս. Մ. Շահումյան, Երկեր, հատ. 3, էջ 398:

33 «Большевики в борьбе за победу социалистической революции в Азербайджане. Документы и материалы, 1917-1918 гг.», Баку, 1957, էջ 626:

ներվում էին Բաքվի Պետրոլսկի հրապարակում, ծովափին ու նավերի վրա։ Այդ ղեկավարի ակտիվ մասնակից Սուրեն Շահումյանի արտահայտությամբ բոլշևիկները ներկայացնում էին «պետություն պետության մեջ»։ Շահումյանն ասում էր. «Մենք գերադասում ենք մեռնել հեղափոխականների պանծալի դիրքերում, քան թե փրկել մեր կյանքը մատնության ու դավաճանության գնով»։ 1918 թ. օգոստոսի 11-ին Ս. Շահումյանը «Бакинский рабочий» թերթում հրապարակում է իր վերջին՝ «Երբ իշխանության կերպարանքը» և «Անաղնիվ զրպարտիչներ» հոդվածները։ Մինչև վերջ մերկացնելով օտարերկրյա սվինների օգնությամբ ստեղծված էսեռա-դաշնակցական-մենշևիկյան նոր իշխանությունը՝ «Ցենտրոկասպիի դիկտատուրան», որը դաժան հաշվեհարդար էր տեսնում հեղափոխական ուժերի դեմ, նա ընդգծում էր, որ Բաքվի ժողկոմ-խորհրդի հավատարիմ է մնացել Սովետական Ռուսաստանին, ղեկավարներն ու հետևողական կենսագործել է Վ. Ի. Լենինի ցուցումները։ «Անաղնիվ զրպարտիչներ» հոդվածի վերջում Շահումյանն ավելացնում էր. «Դաշնակցականների թերթն առանձնապես ջանում է անձամբ իմ դեմ գրգռել մոլորվող մութ մասսաներին և ձգտում է ինձ հանձնել դրանց ինքնադատաստանին։ Դա դժվար պործ չէ։ Դեմ, Բերես, ձեզ հաջողվի, բայց, պարոններ, այդ ձեզ չի օգնի։ Մեզ համար ավելի կարևոր է գիտակից բանվորների դատաստանը, պատմության դատաստանը և նա ձեզ համար ավելի սոսկալի կլինի, քան ամբոխի ինֆանտա-տաստանը, որին դուք դիմում եք»³⁴։

1918 թ. օգոստոսի 10-ին բոլշևիկների Բաքվի կազմակերպության կոնֆերանսը որոշում է սովետական իշխանության օրգանները ժամանակավորապես էվակուացնել Աստրախան։ Թողնելով Բաքուն Ս. Շահումյանը, Ա. Զափարիձեն, կենտրոնական ժողկոմխորհի կողմից Բաքվի շրջանի ռազմական կոմիսար Գ. Պետրովը և Կասպիական ռազմական նավատորմի կոմիսար Վ. Պոլուխինը դեկլարացիա են ստորագրում սովետական զորքերի էվակուացիայի մասին, որում նշվում էր, որ հեղափոխական ռազմաճակատ Բաքվում այլևս չկա, այլ կա իմպերիալիստական ռազմաճակատ, պայքարում են երկու ուժեր, որոնք հավասարապես թշնամի են Ռուսաստանի բանվորագյուղացիական սովետական իշխանությանը։ «Այդ պահից,— ասվում էր դեկլարացիայում,— Ռուսաստանի սովետական իշխանության քաղաքական ու վիճակորական ներկայացուցիչները և Ռուսաստանից ուղարկված ռազմական ուժերը չեն կարող մնալ Բաքվում և անգլիական իմպերիալիստների աջակիցները լինել, աջ էսեռների, մենշևիկների և դաշնակցականների ազդեցությամբ կատարված դավաճանության մասնակիցները լինել»։

Ցավ ի սիրտ, նշում էր շրթունքներին, նրանք, որ այստեղ էին եկել Բաքվի բանվորների հետ միասին կովկաս և մեռնելու Սովետական իշխանության համար, հարկադրված են հեռանալ Բաքվից։

Բայց թողնելով այս քաղաքը... նրանք հույս ունեն, որ բանվորագյուղացիական Ռուսաստանը դարձյալ կգա Բաքու, և Բաքվի պրոլետարիատը կրկին կկապվի հարադատ հեղափոխական Ռուսաստանի հետ և նորից կկանգնի Սովետական Սոցիալիստական Ռուսաստանի դրոշի ներքո»³⁵։

³⁴ Ստ. Շահումյան, Երկեր, հատ. 3, էջ 410։

³⁵ Նույն տեղում։

Դեկլարացիան հեռագրով հաղորդվում է Մոսկվա՝ Վ. Ի. Լենինին և Յա. Մ. Սվերդլովին:

Օգոստոսի 14-ին Բաքվի կոմիսարները և կարմիր բանակի ղորամասերը Շահումյանի գլխավորությամբ նավով մեկնում են դեպի Աստրախան, սակայն երկու օր հետո «Յենտրոկասպիի դիկտատուրայի» ռազմականավերը ժիլոյ կղզու մոտ հրետանային կրակի սպառնալիքի տակ ստիպում են նրանց վերադառնալ Բաքու: Շահումյանը, Ջափարիձեն, Ֆիոլետովը, Ազիզբեկովը և Բաքվի մյուս կոմիսարները ձերբակալվում են ու բանտարկվում:

Բաքվի կոմունայի հերոսական պատմության գիտական ուսումնասիրությունը ցույց է տալիս, որ սովետական իշխանությունը Բաքվում կարող էր ջախջախել նեֆրին հակահեղափոխությանը, բայց արտաքին թշնամիների գերակշռող ուժերի առկայության պայմաններում նա չէր կարող հաղթահարել գերմանա-թուրքական և անգլիական խմբավորումների միաժամանակյա ղինված գրոհը, որին պաշտպանում էին իմպերիալիստական բազմաթիվ գործակալներ, Սովետական Ռուսաստանի երզվյալ թշնամի մուսավաթականները, դաշնակցականները, էսեռներն ու մենշևիկները: Չպետք է մոռանալ, որ այն ժամանակ Բաքուն դարձել էր երկու իմպերիալիստական կռիվների ընդհարման ասպարեզ: Կովկասում կոմունիստների վիճակը Լենինը համարում էր «առանձնապես դժվար»: Իր հրճվանքն արտահայտելով Շահումյանի գլխավորած ժողկոմխորհի հաստատակամ ու վճռական քաղաքականության առթիվ և լիովին վստահելով Շահումյանին, Լենինը նկատի ունեւր, որ Բաքվի կոմունան գործում էր արտակարգ բարդ պայմաններում, երբ կովկասյան նացիոնալիստները, դավաճանելով իրենց ժողովրդին, դաշինքի մեջ էին մտել օտարերկրյա ղավթիչների հետ: Ա. Ի. Միկոյանն իր հուշերում գրել է, որ Բաքվի բոլշևիկյան ուժերը ժամանակավորապես դուրս բերելու մասին Շահումյանի ընդունած որոշումը ասես թե ձայնակցում էր Լենինի մտքերին³⁶:

Այն բացառիկ պայմաններում, երբ Սովետական Ռուսաստանը բազմաթիվ թշնամիների բլոկադայի մեջ կենաց և մահու պայքար էր մղում իր դոյության համար, Շահումյանը և Բաքվի մյուս կոմիսարները իրենց ճկուն տակտիկայով, հաստատակամությունն ու վճռականությունը դիվանագիտության հետ միացնելու Լենինյան ցուցումի հմուտ իրականացմամբ կարողացան ամեն հնարավոր բան անել իրենց ինտերնացիոնալ պարտքը սովետական հանրապետության նկատմամբ կատարելու համար:

Շահումյանի, Ջափարիձեի, Ազիզբեկովի, Ֆիոլետովի մեծ հեղինակության ու հմայքի մասին է խոսում նաև այն փաստը, որ 1918 թ. օգոստոսին, երբ նրանք գտնվում էին Բայիլովի բանտում, չնայած «Յենտրոկասպիի դիկտատուրայի» կազմակերպած դաժան տեղորին և բոլշևիկների դեմ ուղղված հալածանքներին, միահանուռ կերպով վերընտրվեցին Բաքվի Սովետի կազմում: Շուտով Բաքվի կոմունիստական գրութինային հաջողվում է Շահումյանին և նրա ընկերներին ազատել բանտից: «Թուրքմեն» նավով նրանք կրկին ուղևորվում են Աստրախան, բայց ճանապարհին նավը անգլիացիների ու նրանց զործակալների կողմից կանգնեցվում է և տարվում Գրասնովոգսկ, որը գտնվում էր էսեռական Անգրկասպյան կառավարության ձեռքին: Կոմի-

36 Տե՛ս Ա. Ի. Միկոյան, Պայքարի ուղիով, Երևան, 1972, էջ 318:

«արևելքի կյանքը փրկելու համար Սովետական հանրապետության ձեռնարկած միջոցառումները հաջողություն չեն ունենում: ՌՍՖՍՀ արտաքին գործերի ժողովում Գ. Վ. Չիչերինը 1918 թ. սեպտեմբերի 19-ին հեռագրով նոտա է ուղարկում Նիդեռլանդների դեսպանորդ Ուդենդիկին՝ միջնորդության համար, որում ասված էր. «Բաբուն էվակուացիայի անգլիացիներն իրենց հետ տարել են Բաբվի սովետական կառավարության նախկին անդամներ Շահումյանին, Կափարիձին, գլխավոր հրամանատար Պետրովին և ուրիշներին: Վճռակա-նորեն բողոքում եմ: Պահանջում եմ նրանց հայրենիք վերադարձնել...»³⁷։

Թշնամիները չարախնդում էին, որ իրենց ձեռքն էին ընկել Շահումյանը, որին վաղուց ի վեր «Կովկասյան լենին» անունն էին տվել, և նրա մերձավոր զինակիցները: Անգլիական իմպերիալիստներն իրենց նողկալի գործակալներ էսկոնների օգնությամբ 1918 թ. սեպտեմբերի 20-ին, Կրասնովոդսկից 207 վերստ հեռավորության վրա, Ախլա-Կուլմա և Պերեվալ կայարանների միջև զազանաբար գնդակահարում են Բաբվի 26 կոմիսարներին՝ կոմունիստական կուսակցության, բանվոր դասակարգի աղատության գործին մինչև վերջ նվիրված հերոս մարտիկներին՝ Ստեփան Շահումյանին, Ալյոշա Զափարի-ձին, Միշադի Ազիզբեկովին, Իվան Ֆիոլետովին, Գրիգորի Կորգանովին, Միրհասան Վեդրովին, Պավել Զեկինին, Գրիգորի Պետրովին, Վլադիմիր Պո-լուխինին, Արսեն Ամիրջանին, Սուրեն Հովսեփյանին, Իվան Մալիգինին, Բաղդասար Ավագյանին, Մեեր Բասինին, Մարկ Կոզանովին, Ֆյոդոր Սոլն-ցեին, Արամ Կոնստանդյանին, Անատոլի Բոգդանովին, Սոլոմոն Բոգդանովին, Արմենակ Բորյանին, էյթեն Բերգին, Իվան Գաբիշին, Թադևոս Ամիրջանին, Իվան Նիկոլաշվիլուն, Իրակլի Մետաքսային, Իսայի Միշենին:

Ստեփան Շահումյանի և նրա մարտական ընկերների արտասանած վեր-ջին խոսքերն էին. «Մենք մեռնում ենք կոմունիզմի համար: Կեցցե կոմու-նիզմը»:

Այն գործը, որի համար պայքարեցին ու զոհվեցին Բաբվի 26 կոմիսար-ները, հաղթանակով պսակվեց: Ազատարար կարմիր բանակի հղբայրական օգնությամբ Բաբվում և ամբողջ Անդրկովկասում հաստատվեցին սովետա-կան կարգեր: 1920 թ. սեպտեմբերին, Արևելքի ժողովուրդների համագումարի օրերին, Շահումյանի և մյուս կոմիսարների աճյունները Աշխաբադից, որտեղ նրանք թաղվել էին մինչ այդ, տեղափոխվեցին ու հանդիսավոր կերպով հողին հանձնվեցին Բաբվի Ազատության հրապարակում՝ քաղաքի կենտրոնում, որտեղ հաճախ կույթ էին ունեցել նրանք: Սգո միտինգում արտասանած ճառում նարիման նարիմանովն ասաց. «Այժմ մենք Սովետական Ադրբեյջա-նի հողին ենք հանձնում մեր լավագույն, թանկագին ընկերներին, որոնք անձնվիրաբար, մինչև վերջին պահը քաջարի կերպով կանգնած մնացին իրենց հեղափոխական պոստերում»:

Տարիներ անց Ազատության հրապարակում, որը վերանվանվեց 26 կո-միսարների անվան հրապարակի, հերոսների շիրիմների վրա կանգնեցվեց մի հոյակապ հուշարձան՝ հավերժական կրակով: Անշեջ հուրը խորհրդանշում է նրանց անմահությունը: Իրականացան Շահումյանի մարգարեական խոսքե-րը, ասված մահվանից քիչ առաջ. «Կգա մեր հաղթանակի օրը, որովհետև ապրում է կուսակցությունը, ապրում է Բաբվի բանվոր դասակարգը»: Կու-

³⁷ «Документы внешней политики СССР», т. 1, М., 1957, էջ 489:

սակցության, Բաքվի պրոլետարիատի կամրով սեպտեմբերի 20-ը դարձել է 26 կոմիսարների հիշատակի օրը, որն ամեն տարի նշվում է կոմունիզմի զործին հավատարմության նշանաբանով:

Մարգկության լավագույն ապագան՝ կոմունիզմը, որի համար հերոսաբար պայքարեցին ու զոհվեցին Ստեփան Շահումյանն ու նրա մարտական ընկերները, այժմ դարձել է իրական հզոր ուժ: Սովետական Միության կոմունիստական կուսակցության ղեկավարությամբ ՍՍՀՄ-ի ժողովուրդները հաստատորեն գնում են դեպի նորանոր հաղթանակներ: Նրանք միշտ վառ են պահում Ստ. Շահումյանի և Բաքվի մյուս կոմիսարների պայծառ հիշատակը, որոնք իրենց գեղեցիկ կյանքով, կապիտալիզմի լծից աշխատավորության ազատագրության համար մղած անձնվեր պայքարով անմահ փառք նվաճեցին: «Ժողովրդի հիշողությունից, — ասել է Լ. Ի. Բրեժնևը, — երբեք չի ջնջվի Բաքվի 26 կոմիսարների սխրանքը, որոնց գազանաբար սպանեցին անգլիական իմպերիալիստները անդրկասպյան ավազուտներում: Հերոսների սխրագործությունը հնչեց որպես բոցաշունչ կոչ, նա հեղափոխության դրոշի ներքո համախմբեց կոմունիզմի հաղարավոր խիղախ մարտիկներին»³⁸:

СТЕПАН ШАУМЯН—РУКОВОДИТЕЛЬ БАКИНСКОЙ КОММУНЫ

(К 100-летию со дня рождения)

Академик АН АрмССР Г. Б. ГАРИБДЖАНИЯН

(Резюме)

В статье освещается работа видного деятеля Коммунистической партии и Советского государства, верного ученика и соратника В. И. Ленина Степана Георгиевича Шаумяна в первой половине 1918 г. во главе Бакинской Коммуны.

После победы Великого Октября большевики Кавказа под руководством С. Г. Шаумяна вели героическую борьбу за победу Советской власти в очень сложной обстановке. Несмотря на это, Бакинская Коммуна высоко держала знамя пролетарского интернационализма в Закавказье, последовательно осуществляла ленинскую революционную тактику. В. И. Ленин полностью доверял Шаумяну, руководителю и вдохновителю Бакинской Коммуны.

Основные причины временного падения Бакинской Коммуны объясняются крайне неблагоприятным соотношением сил, сложившимся в ходе гражданской войны на юге России летом 1918 г. и интервенции империалистических сил в Закавказье.

³⁸ Լ. Ի. Բրեժնև, Լենինյան կուրսով: Ճանր և հողվածներ, հատ. 3, էջ 171: